

Broj: 06-02-36-30/2018-11
Sarajevo, 13.11.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem broj: 06-02-36-R-8/2018 od 16.10.2018. godine, sekretar Vlade Federacije Bosne i Hercegovine, d o n o s i

ODLUKU
O IZBORU NAJPOVOLJNIJEG PONUĐAČA ZA JAVNU NABAVKU ROBA – NADogradnja
HARDVERSKE OPREME ZA POTREBE GENERALNOG SEKRETARIJATA VLADE FEDERACIJE
BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za nabavku roba – nadogradnja hardverske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-02-36-30/2018-1, broj Obavještenja o nabavci sa portala javnih nabavki: 854-7-1-49-3-13/18 od 17.10.2018. godine, kao prihvatljiva ponuda ocijenjena je ponuda ponuđača **ASPO RAIL d.o.o. Sarajevo**, sa ukupnom cijenom ponude bez PDV-a, u iznosu 29.867,00 KM.

II.

Ponuda ponuđača iz tačke I. ove odluke ocijenjena je prihvatljivom, jer ispunjava uslove postavljene Tenderskom dokumentacijom, a u skladu je sa procijenjenom vrijednosti ove nabavke.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-36-30/2018 od 15.10.2018. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 30.000,00 KM bez PDV-a. Obavijest o nabavci broj: 854-7-1-49-3-13/18 poslana je na objavu 17.10.2018. godine, te je istog dana objavljena na portalu Javnih nabavki.

Tendersku dokumentaciju preuzela su 22 (dvadesetdva) privredna subjekta, a 3 (tri) ponuđača dostavila su ponude u predmetnom postupku nabavke. Sve ponude su blagovremeno pristigle. U predmetnom postupku javne nabavke, ponude su dostavili sljedeći ponuđači: QSS d.o.o. Sarajevo, EMADO d.o.o. Sarajevo i ASPO RAIL d.o.o. Sarajevo.

Komisija za javne nabavke, imenovana Rješenjem, broj: 06-02-36-R-8/2018 od 16.10.2018. godine, izvršila je pregled i ocjenu ponuda, te konstatovala da je, od ukupno 3 (tri) dostavljene ponude, prihvatljiva 1 (jedna) i to ponuda ponuđača: ASPO RAIL d.o.o. Sarajevo, dok su ponude ponuđača QSS d.o.o. Sarajevo i EMADO d.o.o. Sarajevo ocijenjene kao neprihvatljive.

Ponuda ponuđača QSS d.o.o. Sarajevo odbačena je iz sljedećeg razloga: U Aneksu 3 - OBRAZAC ZA CIJENU PONUDE – ROBE u tabelarnom prikazu pod rednim brojem 3. kod Naziva „Dodatna memorija za server Dell EMC PowerEdge R730” u rubrici “Tehnička specifikacija” traženo je, između ostalog, “2666 MHz”. Pregledom Ponude, a u skladu sa gore navedenim ponuđač QSS d.o.o. Sarajevo za navedenu robu ponudio je „2400 MHz”, a ne “2666 MHz”, kako je traženo tehničkom specifikacijom.

Ponuda ponuđača EMADO d.o.o. Sarajevo odbačena je iz sljedećeg razloga: U Tenderskoj dokumentaciji, tačka 2.4. Tehnička specifikacija navedeno je: „Tehnička specifikacija predmeta nabavke detaljno je specificirana u Aneksu 3. Tenderske dokumentacije. Ponuđač je dužan ponudu za predmetnu nabavku dostaviti u skladu sa specifikacijom i uslovima koji su navedeni u ovoj tenderskoj dokumentaciji.” U Aneksu 3 - OBRAZAC ZA CIJENU PONUDE – ROBE u rubrici „Napomene” pod rednim brojem 6. navedeno je „Ponuđač je obavezan dostaviti i detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba.” U skladu sa gore navedenim ponuđač EMADO d.o.o. Sarajevo nije dostavio detaljnu tehničku dokumentaciju za ponuđene robe iz kojih se vidi proizvođač, model i detaljna tehnička specifikacija ponuđenih roba.

Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-36-30/2018-10 od 12.11.2018. godine i preporuku o izboru najpovoljnijeg ponuđača ASPO RAIL d.o.o. Sarajevo, sa registriranim sjedištem u Sarajevu, ID broj: 4202124540000, za predmetnu nabavku.

U postupku donošenja ove odluke, posebno su cijanjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

SEKRETAR VLADE

mr. sc. Edita Kalajdžić



Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove